

Наманган вилояти ҳокимлигининг коррупция фактларига доир муурожаатларни кўриб чиқиш натижалари ҳақидаги йиллик ҲИСОБОТ

I. Муурожаатлар юзасидан умумий маълумот

2022 йил 9 ойида коррупция фактларига доир 2 та муурожаат келиб тушган бўлиб, 1 таси (Н.Содиқова) Президент виртуал қабулхонаси орқали ва 1 таси (М.Болотова) Ўзбекистон Республикаси Коррупцияга қарши курашиш агентлигидан келган ёзма муурожаатларни ташкил этади.

Муурожаатлар ҳудудлар кесимида таҳлил қилинганда, 1 таси Давлатобод тумани ва 1 таси Чортоқ тумани ҳиссасига тўғри келади. Ҳисобот даврида вилоят ҳокимлигида ташкил этилган махсус алоқа каналлари орқали муурожаатлар келиб тушмаган.

II. Муурожаатларни кўриб чиқиш натижалари

1-муурожаат бўйича: Чортоқ тумани, “А.Навоий” МФЙ Тадбиркор кўчаси 54-уйда яшовчи фуқаро Н.М.Содиқовани Президент виртуал қабулхонасига йўллаган 26.03.2022 йилдаги 155203/22-рақамли аризасида “Ўзини Чортоқ тумани ҳокимлигида ишлайман, 1-сектор раҳбари деб таништирган фуқаро Жабборов Шокир уй-жой олишда ёрдам кўрсатишини айтганлиги, шунда 2020 йил киш фаслида 500 АҚШ доллари миқдоридеги пул маблағини Шерзод исмли куёви орқали Жабборов Шокирга берганлиги, бироқ ҳозирга қадар уй-жой масаласида ёрдам қилмаганлиги ёки пулларни қайтариб бермаганлиги”ни билдириб, амалий ёрдам бериш сўралган.

Мазкур муурожаат юзасидан ўрганиш ўтказилганда, Чортоқ туман ҳокимлиги Ташкилий-кадрлар гуруҳи раҳбари А.Носировдан Жабборов Шокир исмли ходим бўйича суриштирилганда, Жабборов Шокир исмли ходим Чортоқ тумани ҳокимлигида ишлаганлиги, муқаддам ҳам ишлаганлиги, сектор штаби раҳбари, аъзоси ёки котиби бўлиб ҳам ишлаганлиги, Жабборов Шокир туман Агросаноат бўлими касаба уюшмаси раҳбари бўлиб илгари ишлаганлиги, ушбу ташкилот тугатилиб кетгандан сўнг, ишламай қўйганлиги, ҳозирда бирон-бир туман ташкилотидеги ёки хусусий секторда ҳам ишлаганлиги аниқланган.

“Маҳаллий давлат ҳокимияти тўғрисида”ги Ўзбекистон Республикаси Қонуни ёки бошқа қонунчилик ҳужжатларида маҳаллий ижро ҳокимликлари ваколатига фуқаролар ўртасидаги ўзаро олди-берди, фирибгарлик, ўзгани ишончини суистеъмол қилиш каби ижтимоий хавфли қилмишларга ҳуқуқий баҳо бериш, пул маблағини ундириб бериш назарда тутилмаганлиги сабабли, фуқаро Ш.Жабборовнинг хатти-ҳаракатларига ҳуқуқий баҳо бериш учун тўпланган ҳужжатлар вилоят Ички ишлар бошқармасига юборилган. Чортоқ туман ИИБ томонидан ўтказилган суриштирув якунларига кўра, фуқаро Ш.Жабборовни хатти-ҳаракатларида фирибгарлик жинояти аломатлари аниқланмаганлиги, куёви орқали ўзаро олди-берди асосида 500 АҚШ доллари пулларини Шерзод исмли куёви тўлиқ қайтариб бериб, Н.Содиқовага ундириб берилганлиги сабабли фуқаро Ш.Жабборовга нисбатан жиноят иши кўзгатишни рад этиш ҳақида қарор қабул қилинган. Ушбу муурожаатни кўриб чиқиш натижалари бўйича келтирилган фактлар ўз тасдиғини топмаган.

2-муурожаат бўйича: Наманган шаҳар Давлатобод тумани 1-кичик туман 63-уйнинг 23-квартирасида яшовчи фуқаро Болотова Марина Николаевнанинг Давлатобод тумани ҳокимлиги ва “Навбахор” МФЙ мансабдор шахсларининг коррупциявий хатти-ҳаракатлари ҳақида 2022 йил 5 февралдаги ёзган муурожаати туман ҳокимлиги мутасаддилари ҳамда муурожаат муаллифи М.Болотовани шахсан иштирокида жойида ўрганиб чиқилган.

Мурожаат муаллифи М.Болотова билан суҳбатлашилганда, “Навбахор” маҳалла фуқаролар йиғинининг кўп квартирали (53,54,55,61,63,27/57) уйларига хизмат кўрсатувчи хусусий уй-жой мулкдорлари ширкатлари фаолиятини “Фаёзбек Нигина” МЧЖга бириктириш бўйича умумий йиғилишлар ўтказилмаган ҳолда баёнлаштирилганлиги, шу сабабли туман ҳокимининг 2022 йил 4 февралдаги 36-6-219-Q/22-сон қарорини қисман бекор қилинишини сўраган.

Аниқланишича, Ўзбекистон Республикаси Президентининг “Кўп квартирали уй-жойларни бошқариш тизимини янада такомиллаштириш тўғрисида” 2021 йил 19 июндаги ПҚ-5152-сон қарори ижросига мувофиқ, Давлатобод тумани ҳокимининг 2022 йил 4 февралдаги 36-6-219-Q/22-сон қарори билан туман ҳудудида жойлашган “Навбахор”, “Мустақиллик” ва “Тўқувчи” маҳалла фуқаролар йиғинларининг 103 та кўп квартирали уйларига хизмат кўрсатувчи 46 та хусусий уй-жой мулкдорлари ширкатлари ҳуқуқий ворисликка йўл қўйган ҳолда “Фаёзбек Нигина” МЧЖга бириктириш асосида тугатилиб, мазкур уйларга хизмат кўрсатиш ушбу МЧЖ шаклидаги бошқарув ташкилоти хизматидан фойдаланишга рухсат берилган.

Давлатобод тумани ҳокимининг 2022 йил 4 февралдаги 36-6-219-Q/22-сон қарори қонунийлиги ўрганилганда, Ўзбекистон Республикасининг 2019 йил 7 ноябрдаги “Кўп квартирали уйларни бошқариш тўғрисида”ги ЎРҚ-581-сон Қонуни 23-моддаси ва Ўзбекистон Республикаси Президентининг 2021 йил 19 июндаги “Кўп квартирали уй-жойларни бошқариш тизимини янада такомиллаштириш тўғрисида”ги ПҚ-5152-сон қарори 1-банди талабларига риоя этилган ҳолда кўп квартирали уй-жойлар жойлашган ҳудудларини очиқ танлов ўтказиш йўли билан (24.07.2021 йилдаги №1-сонли танлов комиссияси баённомаси) “Навбахор”, “Мустақиллик” ва “Тўқувчи” маҳалла фуқаролар йиғинларининг 103 та кўп квартирали уйларга хизмат кўрсатиш бошқарувчи ташкилот танлов ғолиби “Фаёзбек Нигина” МЧЖга маҳалла фуқаролар йиғинларининг кўп-қаватли уйлар мулкдорлари билан ўтказилган умумий йиғилиш баён қарорлари ҳамда жамиятнинг 2022 йил 16 январдаги туман ҳокими номига ёзган 1/01-сонли хати асосида рухсат берилган.

Ўрганиш жараёнида Давлатобод тумани ҳокимининг 2022 йил 4 февралдаги 36-6-219-Q/22-сон қарорини вилоят ёки шаҳар ҳокими ваколати доирасида қисман ёки тўлиқ бекор қилишга ҳуқуқий асослар топилмаган ҳамда Давлатобод тумани ҳокимлиги ва “Навбахор” МФЙ мансабдор шахсларининг хатти-ҳаракатлари (ҳаракатсизлиги)да коррупциявий ҳолатлар (мансаб ваколатини суиистеъмол қилиш, таъмагирлик, манфаатлар тўқнашуви) аниқланмаган.

Ўрганиш якунига кўра, мурожаат муаллифи М.Болотовага Давлатобод тумани ҳокимининг 2022 йил 4 февралдаги 36-6-219-Q/22-сон қароридан норози бўлганлиги сабабли, Наманган туманлараро маъмурий судига шикоят аризаси билан мурожаат қилишга ҳақли эканлиги маълум қилинган.

III. Минималлаштириш чоралари

2022 йилнинг 9 ойида келиб тушган 2 та мурожаатда коррупциявий ҳолатлар аниқланмаганлиги сабабли, коррупцион хавф-хатарларни минималлаштириш бўйича чоралар кўрилмаган. Шу билан бирга, коррупцияга фактларига доир ҳар бир келиб тушган мурожаат алоҳида назоратга олинган ҳолда атрофлича ва синчковлик билан ўрганиб чиқилиши алоҳида назоратга олинган.



**Вилоят ҳокимлигининг коррупцияга қарши
ички назорат бўлими бошлиғи**

 **Д.Эрматов**